

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 26.04.2018թ. թիվ 1807984985 որոշումը բեկանելու, իսկ 26.04.2018թ. թիվ 1807984966 որոշումը անփոփոխ թողնելու մասին

<<06>> 06 2018թ. 17-13-53635-18/17-13-1303

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյան, վերանայելով Բորիկ Բալայանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Վ.Սարգսյան փողոցի 10 շենքի 62-63 բնակարանի բնակիչ Բորիկ Բալայանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 26.04.2018թ. թիվ 1807984985 և 26.04.2018թ. թիվ 1807984966 որոշումները՝ նշելով, որ համաձայն չէ արձանագրված իրավախախտումների հետ:

Դիմումի քննարկման արդյունքում պարզվել է, որ վարչական տույժ նշանակելու մասին 26.04.2018թ. թիվ 1807984985 որոշումը ենթակա են բեկանման, իսկ 26.04.2018թ. թիվ 1807984966 որոշումը չի կարող հիմք հանդիսանալ վերանայման՝ հետևյալ պարզառարարությամբ.

Բորիկ Բալայանին վարչական պատասխանատվության ենթարկելու մասին Ճանապարհային ոստիկանության 26.04.2018թ. թիվ 1807984966 որոշման հիմքում դրված տեսանյութից հստակ երևում է, որ նրա կողմից վարած տրանսպորտային միջոցը Երևան քաղաքի նշված փողոցների խաչմերուկ մուտք է գործում և այն ազատում լուսացույցի արգելող ազդանշանի ներքո՝ առաջ անցնելով արգելող ազդանշանին ենթարկված տրանսպորտային միջոցից, այն դեպքում, երբ վերոնշյալ փողոցների խաչմերուկ մուտք գործող յուրաքանչյուր վարորդ ունի լիարժեք հնարավորություն լուսացույցը տեսնելու, հետևաբար վերջինս կարող և պարտավոր էր ենթարկվել լուսացույցի արգելող ազդանշանին:

Այսպիսով՝ դիմումատուի արարքում առկա է Վարչական իրավախախտման վերաբերյալ ՀՀ օրենսգրքի 124.3-րդ հոդվածի 2-րդ մասի հատկանիշները, որով սահմանված է միայն մեկ սանկցիա տուգանք՝ 50000 ՀՀ դրամի չափով, հետևաբար վարչական պատասխանատվության ենթարկելու մասին որոշումը օրինական է և իրավաչափ, ուստի պետք է կրել օրենքով սահմանված ոչ բարենպաստ հետևանքները:

Ինչ վերաբերվում է Ճանապարհային ոստիկանության վարչական տույժ նշանակելու մասին 26.04.2018թ. թիվ 1807984985 որոշմանը, ապա իրավախախտումն ամրագրած տեսանյութի և տեղանքի լրացուցիչ ուսումնասիրման արդյունքում պարզվել է, որ վարչական տույժ նշանակելու մասին 26.04.2018թ. թիվ 1807984985 որոշումը ենթակա է բեկանման:

Նշելով վերոգրյալից, ղեկավարվելով ՀՀ Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 26.04.2018թ. թիվ 1807984985 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական տույժ նշանակելու մասին 26.04.2018թ. թիվ 1807984966 որոշումը թողնել անփոփոխ, իսկ վարչական բողոքն առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Բորիկ Բալայանին:

Ե. Կարապետյան

